



BOLUNGARVÍK

Bolungarvík, 18.september 2020

Atvinnuvega- og nýsköpunarráðuneytið
bt. sjávarútvegs- og landbúnaðarráðherra
Skúlagötu 4, 101 Rvk

Efni: Umsögn Bolungarvíkurkaupstaðar um frumvarp til laga um breytingu á lögum um stjórn fiskveiða (atvinnu- og byggðakvótar o.fl.)

Bolungarvíkurkaupstaður lýsir yfir ánægju með framkomið frumvarp og þær nýjungar sem þar koma fram. Mikilvægt er að skýra lagalegan grundvöll fyrir ráðstöfun þessara aflaheimilda og setja fram skýra framtíðarsýn um hvernig þessi verðmæti eru nýtt til að tryggja hlutverk sjávarútvegs í byggðarfestu á landsbyggðinni.

Bolungarvíkurkaupstaður bendir á nokkur tilefni til að skýra lagatextan í frumvarpinu.

- **15.gr. e. Línuívilnun**

Það er skilningur Bolungarvíkurkaupstaðar að samkvæmt þessari grein verði ónýtt úthlutun Línuívilnunar, samkv. 15.gr.a., færð sem almennur byggðarkvóti og verði úthlutaður óskiptur á sama byggðarlag. Það er mikilvægt að þessi skilningur komi skýrt fram í lagatextanum.


- **15.gr.g. Tilraunaverkefni til byggðaþróunar**

Hér er um að ræða afar áhugaverðan kafla í lögunum sem byltir möguleikum sveitarfélaga til nýtingu þeirra aflaheimilda sem til þeirra er úthlutað samkvæmt lögunum. Afar mikilvægt er að umfang, umsýsla og eftirlit með þessum tilraunaverkefnum sé skýr. T.d. með því að skýra í lagatextanum hvernig verkefni koma til greina til að auka fjölbreytni atvinnulífs og hvort verkefnin þurfi að vera innan hefðbundins sjávarútvegs.

Það liggar fyrir að Bolungarvíkurkaupstaður hefur misst yfir 80% þeirra starfa sem hafa verið til staðar vegna línuívilnunar og horfir Bolungarvíkurkaupstaður til þessara tilraunaverkefna til að skapa ný störf í þeirra stað. Mikilvægt er að takmarka ekki möguleika sveitarfélaga til að skapa ný störf í nýjum heimi.

Heilt yfir er framkomið frumvarp af hinu góða og þær breytingar sem þar koma fram á meðferð og úthlutun atvinnu- og byggðakvóta munu auka skilvirkni, gegnsæi og verðmæti verkefnisins í heild sinni.

f.h. Bolungarvíkurkaupstaðar


Bæjarstjóriinn í Bolungarvík
Jón Páll Hreinsson, bæjarstjóri